



Suleqatigiissitamik immikkut ilisimasalinnik inuttaqartumik meeqqat atuarfiannik iluarsaaqqinnissamut kaammattuitalimmik nalunaarusiortussamik pilersitseqquullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Tamanut tunngasunik kaammattuutit saniatigut nalunaarusiaq meeqqat autismemik; ADD/ADHD-mik annilaangasarnermillu nappaateqartunut sammisumik meeqqat atuarfianni immikkut ilinniartitsinernut neqeroorutinut kaammattuutinik imaqassaaq. Nalunaarusiaq UKA 2025-imut atatillugu Inatsisartu~~nut~~ agguaanneqassaaq.

(Inatsisartunut ilaasortaq Anna Wangenheim, Demokraatit)

## Siullermeernera

Inatsisartunut ilaasortaq Anna Wanngenheim, Demokraatiniit siunnersuutigisaanut qujassuteqarfigalugu Naleqqamiit imatut oqaaseqaateqassaaagut.

Meeqqat atuarfianni pitsaasumik politikkeqarnissarput aatsaat taama pinaaruteqartigaaq taamaammallu pingaaruteqartorujussuarmik meeqqat atuarfiat pillugu iluarsaaqqinnissamut kaammattuitalimmik nalunaarusiortussamik Naalakkersuisut pilersitseqquullugit peqquneqarnissaanik Inatsisartut aaliangiiffigisassaattut siunnersuut Naleqqamiit nuannaarutigalugu siunnersuut tamakkiisumik tapersorsoratigu oqaatigeeriissavarput.

Siunnersuummi pingaaruteqartorujussuit qaqilerneqarput aammalu kinguarsaqqinnagit qaqileriffigasuarneqartariaqarluinnartut piaartumillu suliarigasuarneqartariaqarluinnartut.

Meeqqat atuarfianni ilinniartitsisut atugaat pitsangorsaaffgineqarnissaanut utaqeqqissinnaanngilagut ilami ukiuni amerlavallaani sunaveersaarfingineqarluni inissimasimasoq kisitsisitigut takusinnaagaluarlutigu iliuuseqarfigisariaqarluinnaripput qanoq iliuuseqarfigineqarnaveersaarnera assut ersarimmat.

Pingaartumik meeqqat immikkut pisariaqartitsisut atuarfinni ilinniartitsisunut aammalu meeqqanut atuaqatigiinnut pitsaasumik pilersaarusrorluakkamik nukissaqarfigineqarlutillu



inissimaffigineqarnissaat pingaaruteqartorujussuummat immikkut iliuuseqarluni pitsasunillu aaqqiissutissaqarluni neqerooruteqarfingeqarsinnaanissaat pingaartorujussuuvoq.

Meeqqat aassigiinngitsumik inissimasinnaasut namminneq pisuussutiginngisaminnik unamminartumik inissimasartut pitsasumik ulluinnarni ikorfartorneqarlutillu ilikkagaqarsinnaanissaat aqqutissiugassaavoq taamatullu meeraqatiminnt atuarnerannut ilikkarsinnaasaanullu akornusersuutaanngitsumik aaqqissuussinissaq pingaaruteqartorujussuuvoq taamaammallu isiginngitsuusaaginnarnagit pimoorutivillugit iliuseqarfingasuartariaqartut ilagilluinnakkat amerlaqisut maannangaaq aallartinneqarnissaat Naleqqamiit pingaartorujussuartut isigaagut.

Meeqqat atuarfianni eqquumaniarfigisassat amerlasuujusarput, meeqqat ilai isigiartuttuusinnaapput, ilai nipinik malussajasuupput, ilai aalajaatsumik ataavartumillu toqqismanartumik pisariaqartitsisuupput, ilai meeqqat autismemik atugaqarput, ilia aallaamasorujussuusinnaapput uninnganiapiloorsinnaalluik ilannguilu annilaanganermik toqqissimanngissuteqarnissamut qanillutik inisisimasut meqqat atuarfianni meeqqat assigiinngitsorujussuarmik inissismallutik ilikkarniartarnerat assigiinngtsorujussuit qaavatigut inisisimasut tamarmik ataasiakkaarlugit pilersarusiorlugit ilikkagaqarnissaannillu pilersarusiorlugit meeqqat atuarfianni ilinniartinniarneqartussaapput.

Taamaammat Naleqqamiit siunnersuuteqartup ujartugai paasilluarlugit Naleqqamiit isumaqarpugut meeqqat atuarfianni iliuusissat kinguarsarneqaqqissinnaanngilluinnartut aaqqissusseqqinnissaq kinguarsarneqaqqissinnaanngilluinnartoq meeqqat atuarfiat pingaarnersiuinermi piffissaq sivisunerpaaq atorlugu meeqqat najortagaat atuarfik oqartussaasuniit tamanit ikioqatigiilluni kivinneqarluni inissimaffigineqarnerusariaqalersoq qanoq iliuuseqartoqarfingeqartariaqalerpoq.

Naalakkersuisut siunnersuuteqartumut akiusseqarnerminni ajoraluwartumik piumassuseqannginnertik aammalu namminneq isummersinnnaannginnertik uggornaraluartumik takutippaat aammalu piumassuseqanngivillutik inissimapput, allaat qanoq iliuuseqarsinnaagatik



partiit      isumaqatigiinniaqqaanngippata      iliuuseqarsinnaanatillusooq      inississimapput  
uggornaraluaqisumik.

Kinguarsaaqqinneq      iliuuseqarnaveersaарneq      utoqqatissutissarsiorneq      uggornaqaaq  
ingerlaqqiinnarmat      aammalu      uani      qinersivimmi      iliuuseqaqqinngitsoorneq      uggoresaарput  
taamaallaat      siunnersuuteqartup      qaqligaat      pingaaruteqartut      pisariaqartullu      qanoq  
iliuuseqarfiginagit      allaaserismallugit      akissuteqaannarnerat      Naleqqamiit      uggoresaарput. Ila, tassani  
amma      Naalakkersuisooqatigii      torralaanngitsooqaat      tulleriissaarisoqassasoq      oqalukkaluarput  
iliuutsilli      annikippu      pineqartunullu      iliuuseqartoqarani      tamanna      Naleqqamiit  
ilungersunarluinnartutut isigaарput.

Naalakkersuisut naggasiinermanni neriuutigalugu kissaatigaat siunissami qaninnermi ilinniartitaaneq  
pillugu      politikkikut      siammasissumik      isumaqatigiittoqarumaarneranik      pineqartoq      pillugu      tassani  
meeqqat      atuarfiat      ilanngullugu,      Naalakkersuisut      aalajaassuseq,      attassiuarneq      eqqisisimanerlu  
pilersikkumallugit      naggasiinermanni      neriuut      kisimi      pigalugu      taamatut      oqaasertaliippuit      qanoq  
iliuuseqarnissamillu      oqariartuuteqaratik,      naak      isumaqatiissuteqarnissamut      suliniutit      siullit  
aallartinneqareersut      oqaatigigaluarlugit      uagut      suli      Naleqqamiit      tusagaqanngitsugut  
tupigusuutigeaарput      taamatut      patsiseqarnerarlutik      Naalakkersuisut      siunnersuutip  
itigartinneqarnissaa inassuteqaatigimmassuk.

Naleqqamiit      isumaqarpugut      utaqeqqissinnaanngitsumik      suliniuteqarneq  
aallartikkasuartariaqarmat      aammalu      sulianik      aallartitsisoqarsimassappat      suliat      aallartissimasut  
pillugit      ataatsimiititaliami      ilanngullugit      qaqlisoqartariaqartoq      taamatullu      oqaaseqarluta  
siunnersuut      tapersorsorlutigu      kultureqarnermut      ilinniartitaanermut      ilisimatusarnermut  
ilageeqarnermullu      ataatsimiititaliamut      suliassangorlugu      ingerlatseqqipparput.